



Kristian Jeremiassen
Inatsisartunut ilaasortaq, Inuit Ataqtigiit

**Toqusut timaannik ikuallaasarfiliornissaq oqaluffiliornissarlu pillugit § 37
naapertorlugu apeqqu tip nr. 207/2022-p akineqarnera**

21-11-2022
Suliap nr. 2022 - 22956
All. nr. 21702117

Asasara Kristian Jeremiassen,

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqu tinnut qujanaq. Apeqqu tigineqartut tullinnguuttuni akissuteqarfigissavakka.

Apeqqu 1:

Nuummi toqusunut ikuallaaviliornissamut Naalakkersuisut pilersaaruteqarpat?

Akissut:

Nuummi toqusut timaannik ikuallaaviliornissamik Naalakkersuisut pilersaaruteqanngillat. Apeqqu mmut 5-imut akissut innersuussutigineqarpoq.

Apeqqu 2:

Pilersaaruteqartoqarpat qaqugu oqaluffiliortoqassava?

Akissut:

Apeqqu 1-imut akissut takuuk.

Apeqqu 3:

Ikuallaaviup pilersaarusionerqarnera qanoq akeqassava?

Akissut:

2020-mi Nuummi toqusut timaannik ikuallaaviliornissamut B-nik missingiisoqarpoq. Missingiummi illu, ikuallaavittalik filterertalillu, sanaartorfigissaaneq pilersaarusionerlu ilanngullugit 20.000.000 kr.-nit missaanni akeqassasoq allassimavoq. Sanaartornermut atortut il.il. ukiuni kingullerni marlussunni akitsorsimmamata toqusut timaannik ikuallaaviliornissap akissaa 2020-mi missingerneqartunit amerlanerussasut naatsorsutigineqarpoq. Pilersaarusionerup akia amerlanertigut aningaasartuutit tamarmiusut 3 %-erikkajuttarpat.

Apeqqu 4:

Sermersuup kommunea ikuallaaviliornissamut nunaminertamik immikkoortitsisimava?

Akissut:

Ikuallaaviliornissamut nunaminertamik Kommuneqarfik Sermersooq immikkoortitsisimanersoq Naalakkersuisut ilisimangilaat.

Apeqqu 5: Namminersorlutik Oqartussat tamakkiisumik akilerpagu pissusissamisoortut Naalakkersuisut isigivaat?

Akissut:

2016-imi Inatsisartut *Inunngortunik toqusunillu nalunaaruteqartarnej, ilisinerit iliveqarfiillu pillugit Inatsisartut inatsisaat nr. 13, 6. Juni 2016-imeersoq akuerissutigaa*, taanna ilaatigut toqusut timaannik ikuallaasernerit pillugit aalajangersakkanik imaqarpoq. Toqusut timaannik ikuallaaviliornissamut tunngatillugu akisussaaffeqartussaannerit tunngasoq immikkut suli isummerfigineqarsimangilaq. Nalinginnaasumik nassuiaatini kommunini oqartussat ilagiillu akornanni akisussaaffiit piginnaatitaanernillu agguataarinerit pissutsini pioreersuni annertunerusumik allannguisoqanngitsoq inatsimmi siunertarinqartoq allassimavoq. Akisussaaffiit pisinnaatitaaffiillu sapinngisamik annertunerusumik sumiiffinni ingerlatiinnarneqarnissaannik kissaateqarneq aallaavigalugu tamanna pivooq. Kommunalbestyrelse taamaalilluni iliveqarfinnik naammattunik pilersitsinissamik suli akisussaaffeqassapput, aammalu iliveqarfinnik pilersitsinermi, ingerlatsinermi, aserfallatsaaliuinermi atorunnaarsitsinermilu aningaasartuutit akilertassallugit, taavala ilagiit sinniisaat iliveqarfinnik ulluinnarni aserfallatsaaliuissallutik aqutsissallutillu.

Inatsimmi § 16-imi iliveqarfinni pissutsit tunngaviusumik najukkani ataasiakkaani inuiaqatigiit iluini aalajangersarneqassasut aalajangersarneqarpoq. Sumiiffinni ilagiinni innuttaasut, ilagiit sinniisaat, sumiiffinni kommunini innuttaasut annertunerusutigut assigimmatigit, iliveqarfinnik pilersitsineq ingerlatsinerlu kommunit aamma ilagiit sinniisaasa suleqatigiinnerisigut aaqqissuunneqartarnissaat pissusissamisoorpoq. Taamaammatt iliveqarfinnut pisariaqartumik nunaminertaqarnissaata isumaginissaa kommunit suli akisussaaffigissavaat, ilagiillu sinniisaasa suliassaraat iliveqarfiit pillugit pissutsinik kommunimut siunnersuinissaq.

Taamaattumik toqusut timaannik ikuallaaviliorneq Namminersorlutik Oqartussat suliassarisaqanngilaat.

Apeqqu 6:

Nuussuarmi Qinngorpumiluunniit oqaluffiliornissamut Naalakkersuisut aningaasaliissallutik pilersaaruteqarpat? Nuummi, Nuussuarmi Qinngutsinnilu?

Akissut:

Maannakkorpiaq illoqarfiup ilaani Nuussuarmi Qinngutsinnilu immikkut ittunik oqaluffiliornissanut aningaasanik immikkoortitsisoqarsimangilaq. Taamaattorli nunami oqaluffiit pillugit immikkoortumut pilersaarusiortoqalersoq Naalakkersuisut paasissutissiissutigisinnaavaat. Taamaattoq Nuussuarmi Qinngutsinnilu oqaluffiliornissamut aningaasanik immikkoortitsisoqarnissaata

aalajangiiffigineqannginnerani tigussaasumik illersorneqarsinnaasumillu tunngaveqarnissaq pisariaqartoq Naalakkersuisut isumaqarput, tamannami nuna tamakkerlugu sanaartortariaqartut tamaasa isigalugit ataqatigiittariaqarmata.

Apeqquut 7:

Nuussuarmi Qinngorpumiluunniit Sermersuup kommunea nunaminertamik immikkoortitsinikuua?

Akissut:

Nuussuarmi Qinngutsinnilu oqaluffiliornissamut Kommuneqarfik Sermersooq nunaminertamik immikkoortitsisimanersoq Naalakkersuisut ilisimangilaat.

Apeqquut 8:

Nuussuarmi Qinngorpumiluunniit oqaluffiliornissamut pilersaarusernermut aningaasat qassit pisariaqartinneqarpat?

Akissut:

Nuussuarmi nutaamik oqaluffiliornissaq pillugu sanaartornissamut pilersaarummi 2007-imeersumi oqaluffiliorneq 27 mio. kr.-t missaannik akeqassasoq allassimavoq. Taamaattorli ilaatigut sanaartornermut atortussat akitsornerisa malitsigisaanik kisitsisit taakku annertuumik allangortinneqarsinnaasut aamma pilersaaruseriorqarsimangitsoq Naalakkersuisunit eqqumaffigeqquneqarpoq.

Qinngutsinni oqaluffiliornissamut missingersuuteqarnissamut suut pisariaqartinneqarnersut ilisimaneqartariaqarpoq. Ilaatigut angissusissaa suliniut pillugu sanaartornissamik pilersaarummik peqartoqanngimmat misissuisoqarsimangimmallu Qinngutsinni oqaluffiliornissamut maannakkut piffissaliisoqarsinnaanngilaq.

Inussiarnersumik inuulluaqqusillunga


Peter Olsen